

MALAYSIA

DEWAN RAKYAT

ATURAN URUSAN MESYUARAT

NASKAH SAHIH/BAHASA MALAYSIA

<http://www.parlimen.gov.my>

HARI KHAMIS, 2 MAC 2023, PUKUL 10.00 PAGI

Bil. 6

WAKTU PERTANYAAN-PERTANYAAN MENTERI

1. PR-1521-MQT2037
Tuan Khoo Poay Tiong [Kota Melaka] minta **MENTERI KOMUNIKASI DAN DIGITAL** menyatakan penjelasan mengenai Mandatory Standard on Access Pricing (MSAP) baharu yang mula berkuatkuasa pada 1 Mac 2023 dan apakah kesannya terhadap sektor telekomunikasi dan para pengguna di Malaysia dari segi mutu perkhidmatan.
2. PR-1521-MQT2035
Tuan Haji Muhammad Islahuddin bin Abas [Mersing] minta **MENTERI PENDIDIKAN TINGGI** menyatakan susulan daripada keputusan Kerajaan untuk tidak memansuhkan AUKU seperti yang diumumkan baru-baru ini, adakah Kerajaan akan meneruskan amalan lantikan Naib Canselor oleh Menteri dan tidak sebaliknya memberi autonomi kepada warga universiti sendiri untuk mengundi Naib Canselor mereka.
3. PR-1521-MQT2031
Puan Syerleena binti Abdul Rashid [Bukit Bendera] minta **MENTERI KESIHATAN** menyatakan prestasi dalam melancarkan aktiviti dan program mencegah kanser serviks selaras dengan Pelan Tindakan Ke Arah Penghapusan Kanser Serviks di Malaysia 2021-2030. Apakah kesan /efficacy program imunisasi kebangsaan HPV setakat ini.

MALAYSIA
DEWAN RAKYAT
ATURAN URUSAN MESYUARAT

NASKAH SAHIH/BAHASA MALAYSIA

<http://www.parlimen.gov.my>

HARI KHAMIS, 2 MAC 2023, PUKUL 10.00 PAGI

Bil. 13

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1521-L19391
Tuan Syed Ibrahim bin Syed Noh [Ledang] minta **MENTERI PENGANGKUTAN** menyatakan punca dan penyelesaian yang akan diambil berkenaan isu bahaya kemalangan jalan raya dan kematian akibat nahas yang lebih besar berbanding kes COVID-19.
2. PR-1521-L18403
Tuan Kalam bin Salan [Sabak Bernam] minta **MENTERI BELIA DAN SUKAN** menyatakan *ranking* pasukan bola sepak Malaysia di peringkat Asia Tenggara, Asia dan FIFA (dunia). Berdasarkan pencapaian di Kejohanan AFF Suzuki Cup 2022 - 2023 adakah kita masih percaya dengan kemampuan jurulatih yang ada dan pemain-pemain maturalisasi yang ada sekarang atau sebaliknya.
3. PR-1521-L18131
Tuan Sim Tze Tzin [Bayan Baru] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan sama ada Kementerian bercadang untuk menukar kaedah melaksanakan EIA kepada kaedah di mana pemaju membayar fi kepada Jabatan Alam Sekitar tetapi, pemilihan Syarikat EIA dan bayaran kepadanya dikendalikan oleh Jabatan Alam Sekitar.

4. PR-1521-L19098
Tuan Zahari bin Kechik [Jeli] minta **MENTERI DALAM NEGERI** menyatakan berapa jumlah pecahan pekerja asing tanpa izin (PATI) yang dipilih untuk menyertai Program Rekalisasi Tenaga Kerja sehingga kini dan sektor-sektor yang terbabit.
5. PR-1521-L19461
Tuan Onn bin Abu Bakar [Batu Pahat] minta **MENTERI PEMBANGUNAN KERAJAAN TEMPATAN** menyatakan harga rumah yang meningkat adalah antara faktor yang menyebabkan pendapatan makin mengecil. Kenaikan harga rumah yang berterusan tidak diikuti oleh pertambahan pendapatan yang seimbang amat menyulitkan khususnya kepada pembeli rumah pertama. Apakah langkah Kementerian untuk membendung masalah ini.
6. PR-1521-L18623
Dato' Dr. Ahmad Yunus bin Hairi [Kuala Langat] minta **MENTERI KESIHATAN** menyatakan :-
 - (a) apakah rasionalnya projek perintis penggunaan ubat PrEP meletakkan kumpulan sasar individu 18 tahun ke atas, HIV seronegatif dan berisiko tinggi untuk dijangkiti HIV; dan
 - (b) apakah kesan kepada kewangan negara untuk tujuan tersebut.
7. PR-1521-L18480
Dato' Verdon bin Bahanda [Kudat] minta **MENTERI KEMAJUAN DESA DAN WILAYAH** menyatakan peratus capaian bekalan elektrik luar bandar di Sabah. Apakah pelan Kementerian untuk memberikan kemudahan elektrik alternatif bagi penduduk di pulau-pulau yang tidak mempunyai talian bekalan elektrik.
8. PR-1521-L18785
Datuk Haji Awang bin Hashim [Pendang] minta **MENTERI SUMBER MANUSIA** menyatakan apakah rasional pihak Kerajaan dalam tindakan menangguhkan pelaksanaan Perintah Gaji Minimum 2022 (PGM2022) terhadap majikan kurang lima pekerja meskipun perintah tersebut terpakai untuk majikan kategori lain.

9. PR-1521-L18569
Puan Teresa Kok Suh Sim [Seputeh] minta **MENTERI PEMBANGUNAN KERAJAAN TEMPATAN** menyatakan jumlah anjing penyelamat yang telah dan akan dilatih oleh pihak bomba untuk usaha menyelamatkan pada waktu bencana. Apakah benar kesemua anjing penyelamat ini tidak dibenarkan untuk diangkat oleh orang luar tetapi mereka akan dimusnahkan selepas melebihi umur 10 tahun mengikut peraturan Kerajaan.
10. PR-1521-L19374
Dato' Dr. Alias bin Razak [Kuala Nerus] minta **MENTERI KESIHATAN** menyatakan perancangan Kementerian untuk memperkasakan talian aduan merokok ekor anjing rakyat bahawa aduan melalui talian tersebut tidak mendapat tindakan susulan yang sewajarnya.
11. PR-1521-L18562
Tuan Haji Ahmad Johnie bin Zawawi [Igan] minta **MENTERI KEMAJUAN DESA DAN WILAYAH** menyatakan apakah perancangan Kementerian dalam menaik taraf jalan-jalan luar bandar di Sarawak termasuk di kawasan Parlimen Igan yang kebanyakannya rosak dan apakah projek-projek yang akan dilaksanakan di kawasan Parlimen Igan di dalam RMK-12.
12. PR-1521-L18741
Tuan Hassan bin Saad [Baling] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan perkembangan terkini projek pemuliharaan sungai untuk mengurangkan risiko banjir di bawah RMK-12 bagi negeri Kedah khususnya melibatkan kerja menstabilkan tebing dan pengaluran sungai.
13. PR-1521-L19419
Puan Young Syefura binti Othman [Bentong] minta **MENTERI BELIA DAN SUKAN** menyatakan perancangan untuk program-program untuk belia di luar bandar terutamanya yang tinggal di FELDA bagi mengatasi masalah sosial di kalangan mereka.
14. PR-1521-L18860
Dr. Ahmad Fakhruddin bin Fakhrurazi [Kuala Kedah] minta **MENTERI DALAM NEGERI** menyatakan apakah usaha yang telah dilakukan oleh Kementerian untuk menangani masalah pelancong asing yang memasuki negara ini tetapi tidak keluar semula dari negara ini.

15. PR-1521-L18038

Tuan Chiew Choon Man [Miri] minta **MENTERI SUMBER MANUSIA** menyatakan perancangan Kerajaan dalam menyelesaikan masalah kekurangan tenaga buruh khususnya pekerja asing yang telah menjejaskan sektor ekonomi tempatan.

16. PR-1521-L19255

Datuk Ali anak Biju [Saratok] minta **MENTERI KEMAJUAN DESA DAN WILAYAH** menyatakan status terkini Projek Jambatan Krian yang bernilai RM90 juta di kawasan Saratok dan bilakah proses kajian marin dan trafik akan dimulakan.

17. PR-1521-L18972

Datuk Seri Panglima Madius Tangau [Tuaran] minta **MENTERI PENGANGKUTAN** menyatakan apakah langkah-langkah yang telah diambil untuk memastikan agar penjadualan semula penerbangan (*rescheduling of flights*) oleh syarikat-syarikat penerbangan dapat dielakkan untuk menjamin ketepatan ketibaan setiap penerbangan.

18. PR-1521-L19031

Datuk Haji Ahmad Amzad bin Mohamed @ Hashim [Kuala Terengganu] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status kemajuan projek pendalaman kawasan pelabuhan Lembaga Kemajuan Ikan Malaysia (LKIM) Chendering, Kuala Terengganu yang menggunakan peruntukan Kerajaan Pusat sebanyak RM15 juta serta status permohonan projek pendalaman muara Sungai Ibai juga di Kuala Terengganu.

19. PR-1521-L18168

Tuan M. Kulasegaran [Ipoh Barat] minta **MENTERI SUMBER MANUSIA** menyatakan :-

- (a) sama ada Kerajaan sedar bahawa ekonomi terjejas akibat daripada kekurangan pekerja asing atau tidak; dan
- (b) nyatakan jumlah pekerja asing yang telah diluluskan dan telah tiba untuk tahun 2023.

20. PR-1521-L19135
Dato' Seri Dr. Shahidan bin Kasim [Arau] minta **MENTERI LUAR NEGERI** menyatakan apakah mekanisme efektif yang boleh dilaksanakan oleh pihak Kerajaan bagi menangani isu pencerobohan Kapal Pengawal Pantai China di Beting Patinggi Ali yang terletak di Zon Ekonomi Eksklusif (ZEE) selain daripada menghantar nota protes diplomatik yang dilihat tidak efektif dan gagal mendapatkan penyelesaian yang baik bagi menangani masalah pencerobohan ini serta apakah dengan pengusiran secara tegas wajar diimplementasikan.
21. PR-1521-L19166
Datuk Seri Dr. Haji Dzulkefly bin Ahmad [Kuala Selangor] minta **MENTERI KESIHATAN** menyatakan rancangan melaksanakan klinik kesihatan jenis 2 untuk menampung penduduk 100,000 dan berkembang pesat di Puncak Alam, Kuala Selangor.
22. PR-1521-L18366
Datuk Wan Saifulruddin bin Wan Jan [Tasek Gelugor] minta **MENTERI DALAM NEGERI** menyatakan apakah Kerajaan akan mansuhkan SOSMA atau tambah baik peruntukan sedia ada dan sehingga kini berapa ramai tahanan SOSMA yang sedang menanti untuk dibicarakan.
23. PR-1521-L18713
Dato' Seri Dr. Wan Azizah Wan Ismail [Bandar Tun Razak] minta **MENTERI PEMBANGUNAN KERAJAAN TEMPATAN** menyatakan apakah langkah yang perlu diambil bagi memastikan penyewa perumahan PPR/PPRT berpeluang memiliki rumah melalui Program Rumah Mampu Milik dan adakah akan dilaksanakan kembali Projek Perumahan Kos Rendah.
24. PR-1521-L18981
Datuk Haji Idris bin Haji Ahmad [Bagan Serai] minta **MENTERI PEMBANGUNAN KERAJAAN TEMPATAN** menyatakan adakah Kerajaan bercadang untuk mengadakan pilihan raya PBT dan sejauh mana kesan pilihan raya PBT kepada ketidakseimbangan antara kaum terutamanya di bandar-bandar besar.
25. PR-1521-L18846
Tuan Yuneswaran A/L Ramaraj [Segamat] minta **MENTERI SUMBER MANUSIA** menyatakan strategi yang sedang direncanakan bagi memperkasa pembangunan Pendidikan dan Latihan Teknikal dan Vokasional (TVET) yang merupakan elemen terpenting untuk menjayakan pemerkasaan modal insan berkemahiran yang merupakan teras sulung bagi Pelan Strategik Kementerian Sumber Manusia bagi tahun 2023.

26. PR-1521-L18219
Tuan Mohd Sany bin Hamzan [Hulu Langat] minta **MENTERI DALAM NEGERI** menyatakan apakah langkah dan usaha Kerajaan bagi mengatasi pihak yang menggunakan sentimen agama, kaum dan kebencian dalam kempen pilihan raya bagi meraih sokongan undi sehingga memecah-belahkan perpaduan rakyat dalam negara ini.
27. PR-1521-L18381
Tuan Haji Muhammad Islahuddin bin Abas [Mersing] minta **MENTERI PENGANGKUTAN** menyatakan keberkesanan operasi penguatkuasaan terhadap pemandu lori yang membawa muatan berlebihan di jalan Persekutuan dan negeri.
28. PR-1521-L18602
Tuan Chow Yu Hui [Raub] minta **MENTERI DALAM NEGERI** menyatakan bilangan orang yang disiasat dan ditahan serta bilangan orang yang dituduh di mahkamah di bawah SOSMA, POCA, POTA masing-masing berdasarkan jantina, umur, kaum (iaitu Melayu, Cina, India, Bumiputera bukan Melayu dan lain-lain) dan taraf kewarganegaraan dalam tahun 2022.
29. PR-1521-L18034
Datuk Seri Ir. Dr. Wee Ka Siong [Ayer Hitam] minta **MENTERI KESIHATAN** menyatakan apakah pendirian Kementerian mengenai isu dalaman dan rungutan kakitangan penjagaan kesihatan yang dikatakan punca utama "*brain drain*" sehingga Universiti Malaya (UM) hilang sekurang-kurangnya 30 graduan perubatan terbaik kepada Singapura setiap tahun. Apakah tindakan Kementerian untuk mengatasi masalah kekurangan jawatan dan laluan latihan yang tidak jelas di Malaysia.
30. PR-1521-L18901
Dato' Hajah Siti Zailah binti Mohd Yusoff [Rantau Panjang] minta **MENTERI BELIA DAN SUKAN** menyatakan adakah pihak Kementerian berhasrat untuk meneruskan program-program pembangunan kerohanian seperti Rakan Muda Ramadan dan Fit Masjid bagi memperkukuh jati diri anak muda khususnya orang Islam.
31. PR-1521-L18274
Tuan Manndzri bin Nasib [Tenggara] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status terkini projek-projek tebatan banjir di kawasan-kawasan yang dikategorikan sebagai kritikal.

32. PR-1521-L18030
Tuan Chiew Choon Man [Miri] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status projek pembinaan penambakan laut dan perlindungan daripada hakisan di pantai Lutong, Miri dan perancangan projek tersebut.
33. PR-1521-L17988
Kapten Dato' Dr. Zulkaferi bin Hanapi (Bersara) [Tanjong Karang] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah tindakan Kementerian dalam menyelesaikan masalah banjir kilat dan banjir termenung di Tanjong Karang yang disebabkan masalah kawasan tadahan air seluas 700 ekar yang didiami 44 keluarga dan pembinaan benteng yang menolak air ke kawasan pekan Tanjong Karang.
34. PR-1521-L18936
Ir. Ts. Haji Khairil Nizam bin Khirudin [Jerantut] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status penambahbaikan loji air Batu Balai, Jerantut yang sudah diluluskan oleh Menteri KASA pada penggal Parlimen sebelum ini.
35. PR-1521-L19320
Tuan Lee Chuan How [Ipoh Timur] minta **MENTERI KESIHATAN** menyatakan purata masa tindak balas bagi ketibaan ambulans daripada perkhidmatan ambulans Kementerian Kesihatan Malaysia untuk kes-kes kecemasan kritikal daripada Januari 2013 sehingga Disember 2022. Data masa tindak balas perlu dinyatakan dalam minit, pada dua titik perpuluhan.
36. PR-1521-L19262
Datuk Dr. Nik Muhammad Zawawi bin Haji Salleh [Pasir Puteh] minta **MENTERI SUMBER MANUSIA** menyatakan :-
- (a) adakah pihak Kerajaan akan memperkenalkan semula pemberian subsidi gaji kepada majikan yang mengambil graduan baharu sebagai instrumen meningkatkan trend graduan baharu menerima gaji lebih daripada RM2,000 sebulan; dan
 - (b) pendirian pihak Kerajaan dalam memastikan keseimbangan gaji yang diterima graduan baharu dengan pelaksanaan gaji minimum RM1,500 sebulan.

37. PR-1521-L18086
Datuk Seri Utama Hasni bin Mohammad [Simpang Renggam] minta **MENTERI KEMAJUAN DESA DAN WILAYAH** menyatakan apakah langkah-langkah dan inisiatif di bawah FELCRA bagi menyokong hasrat Kerajaan untuk meningkatkan tahap keterjaminan makanan negara.
38. PR-1521-L18582
Dr. Hajah Halimah Ali [Kapar] minta **MENTERI KESIHATAN** menyatakan status projek pembinaan Hospital Kapar dan bilakah ia dijangka siap.
39. PR-1521-L17971
Tuan Chow Kon Yeow [Batu Kawan] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan tindakan lanjut pihak Kementerian berhubung pelaksanaan Skim Penyaluran Air Mentah Sungai Perak (SPRWTS) yang telah tertangguh selama 12 tahun. Ini adalah berdasarkan Laporan Akhir Skim Pemindahan Air dari Sungai Perak untuk Bekalan Air Utara Perak dan Negeri Pulau Pinang (SPRWTS) bertarikh 13 September 2022 yang mana merumuskan bahawa kapasiti sebanyak 700 juta liter sehari (jlh) boleh diperoleh dari Sungai Perak untuk negeri Pulau Pinang.
40. PR-1521-L19080
Tuan Gobind Singh Deo [Damansara] minta **MENTERI KESIHATAN** menyatakan penjelasan terperinci mengenai kesan sampingan vaksin Pfizer. Apakah langkah yang akan diambil oleh Kementerian untuk penerima vaksin Pfizer yang mengalami kesan sampingan tersebut.
41. PR-1521-L19079
Tuan Haji Mohd Misbahul Munir bin Masduki [Parit Buntar] minta **MENTERI SUMBER MANUSIA** menyatakan adakah Kerajaan akan meneruskan usaha Kementerian terdahulu bagi menjadikan semua sekolah-sekolah tahfiz awam dan swasta yang berdaftar mempunyai modul Latihan Pendidikan Teknikal dan Vokasional (TVET) bagi tujuan laluan kerjaya kepada para pelajar.
42. PR-1521-L18430
Tuan Wong Chen [Subang] minta **MENTERI PENGANGKUTAN** menyatakan kesediaan Kerajaan untuk membangunkan semula rangkaian BRT Persekutuan atau membentuk pelan setara seperti yang dilaksanakan di Jakarta.

43. PR-1521-L18907
Dato' Sri Tuan Ibrahim bin Tuan Man [Kubang Kerian] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan komitmen dan faedah yang dicapai oleh Malaysia di Persidangan Perubahan Iklim PBB 2022 atau COP27 di Sharm el-Sheikh, Mesir.
44. PR-1521-L18416
Tuan Lee Chean Chung [Petaling Jaya] minta **MENTERI PENGANGKUTAN** menyatakan apakah Kementerian bercadang untuk mewujudkan skim dana Kerajaan atau melaksanakan pewartaan untuk penerbitan data transit oleh pengendali pengangkutan awam seperti di negara-negara maju agar pihak berkepentingan dapat melakukan kajian dan inovasi serta menyokong usaha Kementerian untuk memacu kelestarian pengangkutan awam.
45. PR-1521-L19178
Tuan Tan Kar Hing [Gopeng] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan sama ada Kerajaan berhasrat meminda Akta Perhutanan untuk wujudkan mekanisme semak imbang dalam proses pemberian lesen pembalakan dengan mewujudkan jawatankuasa pemantuan yang merangkumi wakil-wakil dari masyarakat Orang Asli dan NGO alam sekitar.
46. PR-1521-L(5)00149
Dato' Ramanan Ramakrishnan [Sungai Buloh] minta **MENTERI DALAM NEGERI** menyatakan apakah jaminan Kerajaan kepada mereka yang memiliki kad pengenalan merah supaya hak dan masa depan akan lebih terjamin sebagai warganegara.

[Pertanyaan di bawah PM.22(5)]

47. PR-1521-L18611
Tuan Prabakaran A/L M Parameswaran [Batu] minta **MENTERI DALAM NEGERI** menyatakan mengapakah proses bagi permohonan anak angkat yang berstatus warganegara bagi kedua-dua pihak yang telah melalui segala proses dan prosedur yang ditetapkan pihak Kementerian masih tidak mendapat kelulusan walaupun permohonan telah menjangkau 5 tahun.
48. PR-1521-L18671
Puan Yeo Bee Yin [Puchong] minta **MENTERI KESIHATAN** menyatakan status terkini usaha Kementerian untuk mengatasi masalah masa menunggu yang panjang di bahagian Kemalangan dan Kecemasan (A&E) di hospital awam dan swasta.

49. PR-1521-L18702
Tuan Roy Angau anak Gingkoi [Lubok Antu] minta **MENTERI BELIA DAN SUKAN** menyatakan apakah rancangan Kementerian untuk membina baru infrastruktur sukan serta menaik taraf dan menyelenggara fasiliti sukan sedia ada seluruh negara sebagai langkah untuk mempromosi aktiviti sukan dan gaya hidup sihat dalam kalangan rakyat Malaysia.
50. PR-1521-L19465
Tuan Kesavan A/L Subramaniam [Sungai Siput] minta **MENTERI SUMBER MANUSIA** menyatakan berapa ramaikah pekerja ekonomi gig yang telah diserapkan dalam Dana Padanan Caruman Perlindungan Sosial melalui PERKESO dan KWSP.
51. PR-1521-L18502
Dato' Haji Shamsulkahar bin Mohd Deli [Jempol] minta **MENTERI PEMBANGUNAN KERAJAAN TEMPATAN** menyatakan perincian peruntukan penyelenggaraan dan penambahan pili bomba di kawasan penempatan Tanah Rancangan Felda dan apakah usaha Kementerian dalam mengurangkan risiko bencana kebakaran di kawasan FELDA.
52. PR-1521-L17998
Tuan Tan Kok Wai [Cheras] minta **MENTERI SUMBER MANUSIA** menyatakan keadaan semasa kekurangan pekerja asing dalam setiap bidang di negara ini termasuk pembantu rumah dan langkah-langkah negara untuk menangani masalah tersebut.
53. PR-1521-L18735
Dr. Abd Ghani bin Ahmad [Jerlun] minta **MENTERI PENGANGKUTAN** menyatakan adakah Kerajaan hari ini berhasrat meneruskan rancangan Kerajaan sebelum ini mewujudkan Pelabuhan Laut Dalam di Sanglang, Kedah yang bersempadan dengan Perlis dan jika benar, nyatakan perkembangan terkini rancangan projek tersebut.
54. PR-1521-L18411
Tuan Edwin anak Banta [Selangau] minta **MENTERI SUMBER MANUSIA** menyatakan apakah ada sebarang perancangan untuk membina atau mewujudkan sebuah kolej teknikal bagi lepasan SPM untuk menyediakan sumber tenaga kerja teknikal yang bersesuaian bagi menampung keperluan pusat perindustrian di sekitar kawasan Selangau, Mukah dan Bintulu.

55. PR-1521-L18454
Tuan Lo Su Fui [Tawau] minta **MENTERI KEMAJUAN DESA DAN WILAYAH** menyatakan status terkini Projek Bekalan Air Luar Bandar (BALB) untuk Kampung Bukit Quoin, Kampung Jawa Kongsi 10 dan sekitarnya dan bilakah jangkaan projek ini dapat dijalankan.
56. PR-1521-L18055
Datuk Ir. Shahelmey bin Yahya [Putatan] minta **MENTERI PEMBANGUNAN KERAJAAN TEMPATAN** menyatakan perancangan untuk membina Program Perumahan Rakyat (PPR) di Putatan, memandangkan kawasan Putatan ini adalah kawasan pinggir bandar dan penduduk semakin padat.
57. PR-1521-L18093
Dato' Sri Dr. Wee Jeck Seng [Tanjung Piai] minta **MENTERI KESIHATAN** menyatakan apakah status cadangan pembinaan hospital baharu Daerah Pontian bagi menggantikan hospital sedia ada yang serba kekurangan sedangkan tuntutan masyarakat amat tinggi kepada perkhidmatan yang lebih lengkap seperti adanya dewan bedah dan tidak perlu lagi dihantar ke hospital di Johor Bahru atau Kulai.
58. PR-1521-L19479
Dato' Seri Hishammuddin bin Tun Hussein [Sembrong] minta **MENTERI BELIA DAN SUKAN** menyatakan inisiatif Kementerian dalam mengangkat suara dan mendalami kehendak golongan muda khususnya dalam Majlis Belia Malaysia yang mana majoriti golongan muda berpersatuan berada di bawah payung MBM.

ATURAN URUSAN MESYUARAT DAN USUL-USUL

1. (D.R 2/2023) Rang Undang - Undang Perbekalan 2023 – **Menyambung semula perbahasaan atas masalah, " Bahawa Rang Undang-Undang ini dibacakan kali yang kedua sekarang,"**
(1 Mac 2023)

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, menurut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa suatu jumlah wang sebanyak tidak lebih dari sembilan puluh sembilan bilion ringgit (RM99,000,000,000) dibelanjakan daripada Kumpulan Wang Pembangunan bagi tahun 2023, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2023, yang dibentangkan sebagai Kertas Perintah 19 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut, dan bahawa Usul yang telah diluluskan oleh Dewan ini pada 20 Disember 2022 mengenai perbelanjaan yang dibelanjakan daripada Kumpulan Wang Pembangunan bagi tahun kewangan 2023 adalah dibatalkan dan hendaklah disahkan.”

Menyambung semula perbahasaan atas masalah (1 Mac 2023)

2. (D.R 1/2023) Rang Undang-Undang Pencetakan Teks Al- **Bacaan Kali**
Qur'an (Pindaan) 2023. **Yang Kedua**
[Menteri Dalam Negeri]
3. **Menteri Kewangan** akan mencadangkan :-

“Bahawa Dewan ini, mengikut peruntukan perenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM165,282,814.00 kepada UDA Holding Berhad (UDA), sebuah syarikat dimiliki sepenuhnya oleh Menteri Kewangan (Diperbadankan) kepada ekuti (modal saham) bersamaan Seratus Enam Puluh Lima Juta Dua Ratus Lapan Puluh Dua Ribu Lapan Ratus Empat Belas (165,282,814) unit saham biasa pada nilai RM1 bagi satu unit saham.”

4. PR-1521-U(27)231

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia - Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia - Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan *dron*. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak Kerajaan memandang serius perkara ini dengan menyegerakan pembangunan tembok sempadan Malaysia - Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia - Thailand agar benar-benar berkesan menjamin keselamatan perbatasan negara."

[Menteri Dalam Negeri]

5. PR-1521-U(27)232

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan bahan makanan mentah seperti ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan bahan mentah tempatan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bahan makanan mentah. Kerajaan tidak seharusnya melepaskan tanggungjawab menjaga keterjaminan bekalan bahan mentah makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

6. PR-1521-U(27)233

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018 - 2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. "

[Menteri Pembangunan Kerajaan Tempatan]

7. PR-1521-U(27)234

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan kepada enam negeri kurang membangun, iaitu Kedah, Kelantan, Perlis, Sabah, Sarawak dan Terengganu seperti yang direncanakan di dalam Pelan Rancangan Malaysia Ke-12 (RMK-12) dapat dilaksanakan secepat mungkin. Berdasarkan pelan RMK-12 tersebut, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Ini akan mempercepatkan penyediaan infrastruktur dan kemudahan asas serta menjana lebih banyak peluang ekonomi di negeri kurang membangun dan mengurangkan jurang pembangunan."

[Menteri Ekonomi]

8. PR-1521-U(27)235

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat bencana alam seperti banjir dan musim tengkujuh. Kerosakan tanaman dan kematian ternakan sering kali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

9. PR-1521-U(27)236

Dato' Seri Dr. Shahidan bin Kasim [Arau] akan mencadangkan :

Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. "

[Perdana Menteri]

10. PR-1521-U(27)237

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiap siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

11. PR-1521-U(27)238

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyemak semula garis panduan Suruhanjaya Komunikasi Multimedia Malaysia (SKMM) mengenai isi kandungan media sosial yang sensitif serta tidak sesuai dengan agama Islam dan budaya tempatan seperti kandungan yang *pro-LGBT* dan *pro-liberalisme*. Misalnya, SKMM baru-baru ini telah bekerjasama dengan Polis Diraja Malaysia (PDRM) untuk memantau penyebaran klip-klip video sensitif yang berbaur provokasi dengan niat mencetuskan ketidakharmonian, kebencian dan prejudis. Oleh hal demikian, Kerajaan digesa supaya melakukan tindakan yang sama bagi menangani penularan isi kandungan *pro-LGBT* dan *pro-liberalisme* di media sosial. Tindakan ini adalah penting untuk memastikan martabat Islam sebagai agama rasmi negara terpelihara dan budaya tempatan dihormati. "

[Menteri Komunikasi dan Digital]

12. PR-1521-U(27)239

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

13. PR-1521-U(27)240

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan mencukupi serta membolehkan penyelidikan yang agresif dibuat bagi menghasilkan benih padi baru. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia, Filipina dan Myanmar yang mempunyai tanaman dan baka padi yang berdaya komersial tinggi."

[Menteri Pertanian dan Keterjaminan Makanan]

14. PR-1521-U(27)241

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyediakan pelan tindakan yang komprehensif untuk menangani kadar pengangguran semasa yang dijangka meningkat terutamanya di kalangan graduan universiti, penduduk luar bandar dan golongan miskin bandar. Pelan tindakan ini amat diperlukan memandangkan keadaan ekonomi global juga bakal meruncing pada tahun 2023 dan kadar pelaburan asing di Malaysia akan terjejas. Dengan situasi ekonomi terkini, lambakan penganggur akan menyebabkan peningkatan jumlah golongan B40 dan B20 akibat peningkatan kos sara hidup."

[Perdana Menteri]

15. PR-1521-U(27)242

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya meneruskan usaha untuk memberi bantuan semula kepada pesawah menerusi Bajet 2023. Dalam ucapan Bajet 2023 yang lepas, Kerajaan mengumumkan bantuan sebanyak RM200 sebulan bagi tempoh tiga bulan kepada 240 ribu penerima yang layak. Anggaran keseluruhan perbelanjaan bantuan tersebut adalah lebih kurang RM228 juta. Justeru itu, Kerajaan digesa agar mempercepat saluran bantuan tersebut kepada pesawah yang memerlukan bagi menyokong pengorbanan mereka sebagai tonggak utama dalam menghasilkan makanan ruji utama rakyat Malaysia iaitu beras. Kebanyakan petani di utara Semenanjung Malaysia mempunyai kawasan sawah padi yang luas serta subur yang juga sesuai ditanam pelbagai jenis tanaman seperti kelapa sawit. Walau bagaimanapun, para pesawah ini masih meneruskan tanaman padi bagi menjamin kelangsungan makanan ruji utama negara. Oleh hal demikian, Kerajaan diharapkan dapat menghargai pengorbanan para pesawah ini."

[Menteri Pertanian dan Keterjaminan Makanan]

16. PR-1521-U(27)243

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

17. PR-1521-U(27)244

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh hal yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

18. PR-1521-U(27)245

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidak langsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

19. PR-1521-U(27)225

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap Akta Suruhanjaya Pelantikan Kehakiman (JAC) 2009, seiring dengan cadangan serta titah Majlis Raja – Raja Melayu, demi memastikan pelantikan lima daripada sembilan ahli JAC tidak lagi dilakukan oleh Perdana Menteri. Bergerak ke hadapan, adalah wajar untuk Kerajaan Perpaduan meminda Akta JAC 2009 dan Perkara 122B Perlembagaan Persekutuan bagi menghentikan campur tangan eksekutif yang hanya mengikut selera politik semata-mata dalam isu pelantikan hakim, sekali gus dapat mewujudkan kebebasan sistem kehakiman serta menjunjung keluhuran perlembagaan dan kedaulatan undang-undang di dalam Malaysia sepertimana yang terkandung dalam Rukun Negara.

Sebelum ini, negara telah dikejutkan dengan pendedahan oleh mantan Tan Sri Peguam Negara di dalam buku tulisannya yang berjudul, "*My Story: Justice in Wilderness*", yang nyata bertentangan dengan laungan Kedaulatan Undang-undang atau "*Rule of Law*", oleh Kerajaan pimpinan Yang Amat Berhormat Perdana Menteri ke-7. Berdasarkan penulisan beliau, terdapat pelbagai dakwaan mengenai isu pelantikan hakim, campur tangan didalam sistem kehakiman, pendakwaan politik, serta pelbagai pendedahan yang menerbitkan seribu satu persoalan. Pendedahan daripada mantan Tan Sri Peguam Negara tersebut amat membimbangkan, menimbulkan rasa syak wasangka dan persoalan terhadap sistem keadilan, dan juga kepincangan atas doktrin, dengan izin, "*separation of power*" atau pengasingan kuasa di dalam negara kita.

Justeru, saya menyambut baik kenyataan YB Menteri di Jabatan Perdana Menteri (Undang-Undang dan Reformasi Institusi) yang menyatakan bahawa, Jemaah Menteri telah bersetuju dengan cadangan untuk menubuhkan Suruhanjaya Siasatan Diraja (RCI) untuk meneliti mengenai perkara tersebut. Namun, saya fikirkan Kerajaan tidak sepatutnya sekadar berhenti di situ sahaja. Sebaliknya perlu meminda JAC 2009 bagi merealisasikan hasrat murni Kerajaan terutamanya dalam urus tadbir yang baik atau '*good governance*'."

[Perdana Menteri]

20. PR-1521-U(27)226

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap harga maksimum telur ayam yang berkuat kuasa pada 12 Oktober 2022 di bawah Akta Kawalan Harga dan Anti Pencatutan 2011 dengan menaikkan harga kawalan telur tempatan dari RM0.41 ke RM0.50 sebiji, iaitu pada paras harga yang sama dengan harga telur import dari India. Di samping itu, Kementerian juga boleh mewujudkan "elaun telur secara *top-up*" kepada golongan B40 dengan menampung selisih harga telur sebanyak RM0.09 (RM0.41 -RM0.50) sebiji. Langkah ini boleh meringankan bebanan kewangan keluarga B40 dan turut membantu penternak tempatan mengatasi masalah kos operasi yang meningkat, sekali gus mengatasi masalah kekurangan bekalan telur ayam. Seandainya elaun telur sebanyak RM200 setahun diberikan kepada golongan B40, banyak telur yang boleh dimakan oleh keluarga B40.

Kementerian seharusnya mengutamakan penternak tempatan semasa menangani masalah kekurangan bekalan telur ayam. Ramai penternak atau pengusaha ladang ayam telur terpaksa menampung kos operasi yang tinggi mengeluarkan telur. Kos untuk menghasilkan sebiji telur ayam di ladang kini mencecah RM0.45 sebiji, di mana sebahagian besarnya membabitkan penghasilan makanan ayam. Menurut Laporan Kajian Khas Kos Pengeluaran Ayam Dan Telur oleh Jabatan Perangkaan Malaysia pada Disember 2022, purata kos pengeluaran di peringkat ladang bagi telur adalah RM0.48 sebiji pada September 2022. Penternak tempatan rugi kerana telur tempatan hanya boleh dijual dengan RM0.41 sebiji kerana ada kawalan harga, sedangkan kos menghasilkan sebiji telur telah pun melebihi paras harga tersebut. Kalau rugi, penternak tidak akan membela ayam untuk menghasilkan telur.

Malahan, telur import dari India dijual dengan RM0.50 sebiji, jika Kementerian memansuhkan kawalan harga, harga jualan telur tempatan juga lebih kurang sama iaitu kira-kira RM0.50 sebiji. Maka, cadangan untuk meminda harga kawalan telur tempatan ke RM0.50 sebiji bakal membantu rakyat dan penternak tempatan. Langkah tersebut boleh menjana ekonomi domestik dari sudut penyediaan peluang pekerjaan dan pembayaran cukai dari pihak penternak, kebersihan dan keselamatan telur ayam, kemudahan logistik, penyeliaan dan pembekalan berbanding dengan langkah mengimport telur dari India.

Justeru, Kementerian wajar mempertimbangkan cadangan pindaan kawalan harga telur supaya rakyat dan penternak tempatan tidak lagi terjejas dalam masalah kekurangan bekalan telur yang berpanjangan ini. Elaun telur kepada golongan B40 juga boleh memastikan rakyat terus berkemampuan menikmati makanan asas ini tanpa terjejas oleh kenaikan harga kawalan telur. Telur dan ayam adalah makanan asas rakyat tanpa mengira kaum atau agama, perkara ini harus dijadikan keutamaan."

[Menteri Pertanian dan Keterjaminan Makanan]

21. PR-1521-U(27)227

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan langkah-langkah Kerajaan dalam menghadapi Kemelesetan Ekonomi Global pada 2023 seperti yang diramalkan oleh pelbagai institusi kewangan dalam dan luar negara.

Menurut kajian yang dibuat oleh Bank Dunia; dalam menghadapi risiko, di mana bank-bank negara di seluruh dunia telah dan akan secara serentak menaikkan kadar faedah secara mendadak. Kesannya, seluruh dunia akan menghadapi krisis ekonomi dan bakal menuju kepada krisis kewangan yang semestinya akan memberikan impak negatif yang berpanjangan.

Pelbagai kajian dasar, pakej rangsangan dan langkah diplomatik perlu dibuat oleh Kerajaan untuk memastikan negara kita kalis krisis ini dan membolehkan rakyat hidup dalam kestabilan ekonomi yang optimum. Selain itu, krisis ekonomi secara global juga dijangka akan membawa kepada kemerosotan KDNK sebanyak 0.5 peratus pada 2023.

Pertumbuhan ekonomi mesti dipertingkatkan supaya negara kita boleh mencapai penukuhan nilai mata wang dan menarik lebih banyak pelaburan yang strategik di mana akan menyumbang kepada peluang pekerjaan, peningkatan produktiviti, pengukuhan pasaran modal dan mengurangkan kemiskinan rakyat. "

[Menteri Ekonomi]

22. PR-1521-U(27)228

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan Kerajaan untuk mewujudkan sebuah jawatankuasa khas di peringkat jemaah menteri bagi membuat kajian dan perancangan dalam membasmi kemiskinan golongan nelayan. Mengikut rekod lalu yang dibuat, banciaan daripada SENDI-LKIM (2008-2017) mendapati bahawa para nelayan hanya memperoleh pendapatan melebihi RM1,200 sahaja. Meskipun Kerajaan sudah menyediakan peruntukan kepada nelayan melalui Elaun Sara Hidup Bantuan Nelayan dan Skim Subsidi Petrol, namun dengan peningkatan kos sara hidup dan keterbatasan akses kepada kemudahan yang disediakan oleh Kerajaan telah menyukarkan dan membebankan para nelayan yang berada di kawasan luar bandar. Tahun 2022, sejumlah RM7 juta diperuntukkan kepada LKIM sebagai modal pusingan pembelian ikan tempatan sebanyak 1,000 tan metrik yang akan ditempatkan di 130 bilik sejuk beku di seluruh negara untuk menghadapi musim tengkujuh. Permasalahan ini berlaku disebabkan penglibatan orang tengah yang menganiaya dan mengambil kesempatan atas usaha para nelayan dengan memberi alasan hasil yang berkurangan disebabkan oleh cuaca buruk dan secara tidak langsung memberikan kesan negatif kepada rantai sekuriti makanan negara. Penerangan yang jelas kepada sistem penyaluran bantuan Kerajaan juga harus ditambah baik terutamanya

kepada golongan-golongan yang tidak mahir menggunakan kemudahan internet dan agensi berkaitan haruslah mencari nelayan yang masih belum berdaftar agar bantuan Kerajaan juga boleh dinikmati oleh mereka. Pokoknya, Kerajaan harus meneliti dan menggali dengan lebih mendalam tentang permasalahan yang dihadapi oleh para nelayan. Kita harus memperkasakan saluran bantuan Kerajaan agar tidak berlaku ketirisan dan aktiviti penyalahgunaan kuasa yang digunakan oleh pihak-pihak tertentu."

[Menteri Pertanian dan Keterjaminan Makanan]

23. PR-1521-U(27)229

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah pelan tindakan khas untuk menghadapi dan mengatasi krisis utiliti terutamanya tenaga elektrik dan bekalan air bersih serta apakah jangkaan kesan kepada rakyat apabila inisiatif Kerajaan mengurangkan pemberian subsidi utiliti.

Krisis tenaga elektrik berpunca dari harga bahan api sangat tinggi yang menyebabkan peningkatan mendadak kos penjanaan elektrik dan pelarasan tarif elektrik melalui mekanisme ICPT. Berdasarkan kepada kos penjanaan yang sangat tinggi ini, semua pengguna elektrik di Semenanjung Malaysia sepatutnya dikenakan surcaj sebanyak 27 sen/kWj bagi tempoh 1 Januari hingga 30 Jun 2023 yang akan menyebabkan peningkatan kos sara hidup sekiranya dilepaskan kepada pengguna sepenuhnya. Sekiranya keseluruhan kos ICPT ditampung melalui subsidi, Kerajaan pula perlu menyediakan peruntukan yang sangat besar dan membebankan.

Krisis sumber air bersih diakibatkan oleh penebangan hutan secara berleluasa dan pembalakan yang tidak terkawal boleh memusnahkan "hutan awan" (*cloud forest*) yang akan mengakibatkan kehilangan sumber air yang berharga selain menyebabkan hakisan tanah dan menjejaskan kualiti sumber air. Pembuangan sampah dan sisa toksik industri juga menyumbang kepada pencemaran air sungai yang boleh menyebabkan masalah gangguan bekalan air tidak berjadual timbul dan menyukarkan rakyat dalam kehidupan seharian dan secara langsung menelan kos yang tinggi bagi meningkatkan tahap capaian bekalan air bersih, tambahan pula kerja-kerja penyelenggaraan dan penggantian peralatan secara berkala di loji rawatan air atau sistem agihan oleh operator bekalan air semestinya memerlukan perbelanjaan yang tinggi.

Oleh hal demikian jaminan tenaga dan air perlu dirangka dengan langkah yang selamat oleh Kerajaan dalam mencapai penggunaan utiliti yang mampan serta efisien dengan penggunaan kos yang rendah serta pengenaan caj tidak membebankan rakyat. Pengalaman krisis tenaga yang dilalui oleh masyarakat di Eropah perlu diambil sebagai panduan dan perkara yang perlu dirujuk dalam membuat sebarang pertimbangan pada masa kini dan hadapan."

[Menteri Sumber Asli, Alam Sekitar dan Perubahan Iklim]

24. PR-1521-U(27)230

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan menubuhkan sebuah Institut Rukun Negara bagi mengkaji dan membentangkan perancangan model literasi perpaduan jangka masa panjang menyeluruh yang akan menyelesaikan masalah polarisasi kaum yang semakin menebal dalam kalangan anak muda di negara ini. Model pendidikan jangka masa panjang ini perlu merangkumi keseluruhan aspek pembelajaran termasuk komponen subjek akademik, komponen kerohanian dan komponen etnik tanpa membelakangi peruntukkan yang terkandung dalam Perlembagaan Persekutuan dan semangat Rukun Negara. Masalah polarisasi kaum akan dilihat semakin serius jika perancangan, penekanan dan pemantauan ini tidak dilakukan segera daripada peringkat awal pembelajaran dan ia tidak dapat mencapai tahap toleransi semua kaum dan semangat kenegaraan semakin lemah dalam kalangan anak muda. Kesannya terhadap potensi untuk membangunkan negara bangsa mengikut acuan kita sendiri akan terencat dan keharmonian serta kesejahteraan negara juga akan terancam."

[Menteri Perpaduan Negara]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.16	Laporan Tahunan Lembaga Pelesenan Kenderaan Perdagangan (LPKP) Sabah dan Sarawak Bagi Tahun 2021	2 Mac 2023
ST.17	Laporan Tahunan Dan Penyata Kewangan Lembaga Juruukur Bahan Malaysia (LJBM) Bagi Tahun 2021	2 Mac 2023
ST.18	AKTA RACUN 1952 Peraturan-Peraturan Racun (Pindaan) 2022 P.U. (A) 407/2022 yang diwartakan pada 30 Disember 2022	2 Mac 2023
ST.44	Laporan Tahunan dan Penyata Kewangan Lembaga Lebuhraya Malaysia (LLM) Bagi Tahun 2021	2 Mac 2023

****UCAPAN-UCAPAN
(PERATURAN MESYUARAT 17)
(KAMAR KHAS)**

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 02.03.2023 (Khamis)	1. YB Tuan Shaharizukirnain bin Abd. Kadir (Setiu)	1. Hakisan Pantai Pengkalan Maras dan Bari Kechil	1. YB Menteri Sumber Asli, Alam Sekitar Dan Perubahan Iklim
2. 02.03.2023 (Khamis)	2. YB Puan Teresa Kok Suh Sim (Seputeh)	2. Mengkaji Kegagalan Rekaliberasi Tenaga Kerja Yang Lepas dan Memudahkan Proses RTK 2.0	2. YB Menteri Dalam Negeri

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**